

JOSEPHI LANZONI

Phil., & Med. Doct. Ferrarien., in patria Uni-
versitate Lectoris primarij, S. R. I. Col-
legij Leopoldino - Carolini Naturæ
Curiosorum Socij &c.

DE MEDICI OFFICIO, AC MUNERE

EPISTOLA

Ad Excellentissimum Dominum

D. NICOLAUM FACCINUM

PHIL. & MED. DOCT.
Ferrariensem.



FERRARIÆ



Josephi Barbieri Typis.
MDCCXXIX.

Superiorum permisso.

*Medici nomine multi, re autem, & opere
valdè pauci.*
Hippocrat. in Lege.



Typographus Lectori S.




*Um viderim, plures
Medicinæ Tyrones
hanc Epistolam de
Medici Officio, ac
Munere, à Cl.V.D.*

*Iosepho Lanzono conscriptam, di-
ligenter transcribere, amanuenses
defatigare, ac semper secum in pe-*

4
ra circumferre, ob utilia præcepta, & omninò neccessarias animadversiones prò Medica Praxi exercenda, quibus exornatur, & scatet: idcirco utile duxi meis Typis illam evulgare ad maiorem Medicinæ studiosorum utilitatem, commodum, & progressum. Hic meus scopus, & finis; semper enim iustum existimavi in omnibus operibus meis proximo emolumentum afferre. Sed, ut Seneca consuluit, qui dat beneficium, taceat; narret, qui accipit. Vale.

Fla-



Lagitasti a me, Excellentissime Domine, ut tibi conscriberem aliquid de Medici officio, ac munere. Expleo nunc quod petisti, ut possim; non forte ut cuperes; attamen me excusatum habeas, nam Praxis medica, & Lectiones quotidianæ, ut tu bene noscis, meis Discipulis faciendæ, parum otij mihi relinquunt, & præsertim quia in crastinum Lauream Doctoralem Domino *Benedicto Lollio* publicè in nostro Collegio conferre debeo. Utcumque tamen, ad rem venio.

Magnus Medicorum Princeps Hippocrates in *Epist.* ait: *Porrexit mihi manum Deus, quam ubi libentissime apprehendissem, rogabam, ut simul mecum pergeret, & ne me in medendo destitueret:* ex quo liquet, qualis debeat esse Medici religio, ac pietas; videlicet, ut sit pius erga Deum, honestus erga Proximum, & religionis exercitia, frequentet. Debet esse temperans præcipuè in gineceis, unde apud Lacedæmones Esculapij simulacrum ex agno-casto construebatur. Sit sobrius, sit taciturnus, & occulta artis nostræ mysteria, nec non secretiores ægrotantium morbos evulgare scelus putet, quandoquidem Ægyptij in Medicinæ templis Harpocratem silentij Deum labia digito comprimentem adorabant. Erga omnes sit comis, cunctis officiosus, Socijs amabilis, reli-

quis urbanus, nemini onerosus, ægrotantibus placidus, facilis, blandus, suavis, siquidem *Hippocrates lib. 7. Epidem.* egris gratificandum esse nos monet; neq; ferat torvi faciem tyranni, non enim illi data est potestas excrucianti ægros, hominesque impunè necandi. In omnibus porrò sit semper prudens; nullum enim, ait *Iuvenalis*, Numen abest, si sit prudentia; quæ iuxtà *Marsilium Ficinum* est omnium virtutum regula. Non sit in praxi præcipitanter timidus, nec temere securus; non sit ostentator, ut evitet suspicionem inanis gloriolæ, vel ignorantiae, aut avaritiæ; cum ratione sit audax, quia, referente *Schmitzio*, sedes, & idea morborum sensum fugit, undè verificatur illud *Hippocratis*, quod timiditas in medendo impotentiam, audacia verò ignorantiam, Artis indicat. Ad Experientiam sæpè confugiat etiam repugnante ratione, cum hæc sit rerum magistra. In morbis incognitis, ac non ritè perspectis ægros non deferat, nec à medicaminum præscriptione absteineat, sed ea communia sint, donec res patuerit, & negotium committatur naturæ, quæ sola est morborum medicatrix. Ægrotis nè facile credat, sed morbi ideam proprijs notis, ac signis investigare tenetur, ac sedulò inquirere, nec non morborum causas accuratè rimari. Prudens, & cautus videat, & provideat, ne quid insidiarum struat morbus latens: In quibusdam morbis periculosis potius spectator, quàm actor sit: In prognosi instituenda ne sit nimis præceps, nec in eadem nimis securus, aut tardus; nec debet semper metu ægrotos terrere, & omnia periculi plena asseverare; uno verbo in prognosi suspendat iudicium, nisi certò constet; potest enim de-

cipi, cum nominis sui iactura. Pulsum diligenter examinet, ne fallatur, & qualis in sanitate pulsus sit, scire in primis oportet; & utriusque manus pulsum tangat. Sollicitus sit, non tam ut profit, quàm ut non obsit, cum turpius sit videri nocuisse, quam non profuisse. Empiricos quandoque imitetur, ut morbos expellat, qui ordinarijs remedijs vinci non possunt. Consultationes ne fugiat; consultandi enim munere, nullum inter medicorum officia est illustrius, ut potè quo solo a doctis Medicis indocti discernuntur, qui non secus ac docti medicinam faciunt, rudique vulgo imponunt; Medicorum enim consultatio magni semper fuit ad artem nostram momenti: Consultationes autem, iussu *Hippocratis*, absque contentione, & altercatione fiant, ne derisui se exponat Medicus; discordia igitur inter Consultantes semper est damnanda, quia privati odij pertinacia stimulat in publicum exitium, ac plerumque laborantium salutem precipitat: Seorsim autem ab ægris consilia medica facienda sunt, ut liberius quid sperandum, vel metuendum proponatur. Non improbos medicos imitetur, qui famam, quam virtute nequeunt, fraude, doloque comparare nituntur. Ne se collaudet, aut morbum parvum magnifaciat. Non accedat ad ægros, nisi rogatus, quod præceptum maximè observandum ait à *Castro*: & hìc risum retinere, nequeo, dum Medicum Senem sed sordidè avarum novi, qui sæpe Monasteria petit non vocatus, & poscit, an aliquis de Familia suæ operationis indigeat; quod certè ineptum, ac ridiculum est: In odoribus minimè sit affectatus, præsertim cum Virgines non omnes bene ferant odo-

res: ungues abscindat, manus nitidas ferat, munditiei studeat, luxum tamen vitet: Vocatus veniat tempestivè, saluter egrum, & condolentiam testetur, quærat an longo tempore decumbat, observet ætatem, blandè prius colloquatur, indè pulsum tangat bis modestè; examinet hypochondria, tangat partem affectam, ægrotantis linguam exploret, & nihil omninò omittat eorum, quæ ad exactam morbi cognitionem facere possunt; nec cum ægris bibat, ac comedat, nam nimia familiaritas parit contemptum, ut ait *Riolanus*. Simplicibus cum possit mederi, à compositis se abstineat; in compositione enim medicamentorum fugienda est illa theriacalis, & nauseabunda variorum simplicium commistio, quæ non est necessaria, sed inutilis, incerta, & sumptuosa; natura quippè paucis contenta simplicibus gaudet, & sæpè unica herbula appropriata morbus citiùs, ac feliciùs profligabitur, quam prodigiosis illis compositionibus: Audiat queso *Dom. vestra Excellentiss.* id, quod de hac re scribat *Clariss. Georg. Baglivus de morb. success.*, eruendo mor-
 „ rem, & consuetudinem vulgarium medicorum,
 „ qui alia ratione curare morbos nesciunt, quam
 „ satiando stomachum syrupis, conservis, &
 „ mille nugivendulis pulveribus, „ *Tyrones mei*
 „ *quam, paucis remedijs curantur morbi; quam-*
 „ *plures vita tollit remediorum farrago, &c.* idemque matatis verbis innuere videtur in suis Epistolis Sapientissimus *Redi*. In morbis autem curandis, & in sanitate custodienda, non semper auxilijs utendum, sed oportet interdum quiescere, hoc est nihil prorsus, præter commodam victus rationem, instituere; sic fieri oportet in ijs, qui per-
 fectè

9

fectè iudicantur, vel iudicati sunt, ut in morborum statu; sic iubente *Hippocrate in aphorism.* Medici enim, ait *Livius*, plus interdum quiete, quam movendo, & agendo perficiunt; ità Naturæ sepè multorum affectuum curatio est committenda, ut docuit *Sydenamius*. Die decretorio, ac critico nunquam evacuatio instituitur, quando necessitas non urgeat, ac cogat. Esto in arte nostra generalis regula, semper blandè, ac lentè procedendum in omni cura ægrorum, uti etiam docuit *Franc. Sylvius de Leboe*. De mercede non paciscatur, hoc enim proprium est Agyrtarum, non sapientum virorum. Nec semper ægris severè deneganda, quæ natura summe appetit, vidi enim Mulierem à pertinaci vomitu liberatam nucibus edendis concessis, quas enixè postulaverat. Morborum incurabilium curam non suscipiat Medicus, ut præcepit *Hippocrates lib. de Arte*; morbi enim in triplici sunt classe; Leves, quos natura sanat, Mediocres, qui à Medicis tractantur, & Incurabiles, qui linquendi, ne cum promiserimus sanare, ignominiam, prò Gloria, referamus. Amuleta ne spernat, & medicamentis occultarum qualitatum, ut dicunt, multam non adhibeat fides, duciam, inquit enim *Galenus* -- qui volet esse præclarus Medicus, ijs medicamentis, quæ ægros iuvant a qualitate occulta, rarò uti debet. Quidam Medici remedia omnia chimica negligunt, & formidant, alij e contrà illa suprà modum extollunt; sed medium tenere beati: Mercurius porrò in usum non est ducendus, & non loquor de præparato, sed de crudo, qui anxietatem inducit, monet enim *Vualeus in Met. med.* se novisse malencolicos, qui se lue venerea laborare putarent,

tarent, medicumq; tandem eo persuaderent, ut ad Mercurij usum deveniret, unde sequenti die moriebantur. Neque laudare possum nonnullos nostros Medicos, qui pillulis mercurialibus utuntur, cum sanè tutioribus, mitioribus, ac salubrioribus remedijs uti posent, ut Salsa parilla optima: Post usum Mercurij (sunt verba eiusdem *Vualci*) facile sequitur dyssenteria, obstructio, & nervorum debilitas; hinc Mercurio inuncti incidunt in paralyfim; & vidi tumores, cecitatem, & surditatem à Mercurio sumpto inductam; quo circa legi meretur erudita Epistola lib. 14. Clariss. nostri *Io: Manardi*, in qua multa contra Mercurij usum in re medica inveniuntur egregiè à tanto Viro exarata, prodit enim malignitatem hydrargiri, & insitiam illorum accusat, qui tali utuntur remedio. Caveat insuper Medicinæ Professor, ne artem nostram turpiter sèrvilem faciat, quemadmodum quidam medici, qui ter, quaterque in die egros inviscendo, propriam insitiam sedula officiositate compensant, & nisi doctrina illustres, saltem sunt blanditijs insignes, à *Galeno* ipso derisi, dum quidcquid eis adulantibus iubetur (ait ille) mancipiorum more faciunt, ideoq; à cordatis Viris, tanquam turpes Agyrtæ, & pedissequi rudes irridentur; ex quo artis apollineæ vilipendium oritur, & ars omnium præclarissima (sunt verba præcisa Clariss. *Lancisi*) omnium vilissima existimatur; unde plus præmij datur Coquis ad crapulam, quam donetur Medicis ad salutem; quod etiam tempore suo innuit *Galenus* ipse, dum scripsit, *Divites Medicis coquos preferre*. Insuper Medicus sit imprimis erga Collegas sociabilis, nec arceat alios à visitatione, Ægrotantium, nec politicè, ac studiosè Medicos,

sui

fui æquales, imò doctiores ab infirmis amoveat; privat enim alieno consilio Ægrotantes, lædit amicos, atque ne prodat suam insitiam, morbo affectos suæ curæ commissos prodit, ac fallit. Sit Medicus conversatione affabilis, non garrulus, nec maledicus, quales sunt Parabolani, & Circulatores; non sit blasphemus, neq; aleator, nec rixarum, & contentionum cultor, nec iura spernens, ac Principis Edicta contemnens, ne incidat in Apparitorum manus, hoc enim summi dedecoris est, & totam Medicorum familiam infamat. Summopere execratur Io: *Bohnius* illam nonnullorum Medicorum imprudentiam, aut mavis animi malignitatem, per quam præ alijs emergere, hosque subigere, seu supplantare moliuntur; philautia, nimirum, ambitione, & vanagloria inflati, eos parui faciunt, irrident, conuicijs incessunt, cavillant, ab Eruditorum candore abhorrent, sola sua ipsis arrident, ac aliena semper despiciunt, quam quidem amarulentiam, modò coram, & palam, modò clam, & à tergo spirant; utrumque varijs artificijs, imò aliquandò sub blanditiarum, & collaudationum singulari specie occultant; laudant alterius Medici Eruditionem, & dolent eiusdem in Praxi infelicitatem, & ut oprimant eiusdem virtutem, dicunt, multum valere in Poesi græca, & latina, ac italica, in Sanctorum PP. monumentis, in sacra, & prophana eruditione, parum verò in praxi medica administranda, quasi quod diversa essent instrumenta Sapientiæ, alia Medicinæ, alia Philologiæ &c.; verùm cum eadem sint in homine instrumenta sciendi, ideò si bonus erit Philologus, Eruditus, Poeta, erit etiam Medicus illustris, Anatomicus insignis, & Practicus

celebris, si hæc Artes coluerit, quemadmodum fuere antiquis temporibus *Galenus*, *Celsus*, *Fernelius*, *Fracaflorius*, recentibus autem *Malpighius*, *Tozzi*, à *Capua*, *Redius*, *Bellini*, alij: plures, in quibus enumerandis tota non sufficeret dies; Absint Medici illi, qui favorem quærunt Muliercularum, Barbitonforum, Obstetricum, & per harum commendationes, ac ut ità dicam, patrocinia, praxim quærunt, & ægrorum visitationes comparant, hoc enim ignorantia est signum, siquidem *Plautus in Amphit.* ait *Virtute ambire oportet, non favoribus; Sat habet favorum semper, qui recte facit.*

Nefas ferme esset credere, Medicum aliquando colludere cum Pharmacopœis, quæstus reciproci, atq; sordidi causa sancita, ita ut in Ægrotantis damnum, medicinas præter necessitatem, & maioris prætij præscriberet, quod tam iniquum est, ut nefas quoque sit hoc de veris Medicis cogitare. Vitium sequens nonnullos Medicos vexat, quod sanè fugiendum, nempe si à Medico morbus gravior, & periculosior fingatur, ac reverà sit, eum in finem, ut si æger moriatur, erroris suspicio à se declinetur; sin revalescat stipendium augeat, & magis ægrotans Medici decantet laudes; hoc enim histrionis esse, ait *Celsus*, parvam rem attollere, quò plus præstitisse videatur. Medicus in dieta, præscribenda ne sit rigidior: in medicaminibus non excedat, in remedijs administrandis à virium proportionem nunquam recedat. In uno tantum remedio spem omnem non collocet, veluti si esset *Panacea*; nihil intermittat calumniæ metu, nec sit timidus, nec pertinax, non sit assentator, non iactabundus, non malignus, iuxtà conscientiam deponat, ad medendum vocatus sit promptus,

tus: ægros pietatis admoneat, confessionem sacramentalem inculcet, agat secundum rationem, & experientiam, consuetudini indulgeat, ac semper Deum, tanquam Medicinæ Authorem cognoscat; ait enim *Marfil. Ficinus*, Medicinam sinè cælesti favore, sæpiùs esse inanem, sæpè noxiam: Tutò autem curabit Medicus ægrotantes artis nostræ beneficio, convenienti qualitate, comoda mensura, & tempore opportuno exhibendi remedia. In Morbis verò debilibus medicinæ fortes non sunt præscribendæ, in debilibus debiles, valentibus valentia pharmaca conveniunt, & quæ longo tempore sunt contracta, lente curare oportet, quæ brevi, breviter. Advertat igitur Medicinæ Professor, semper utenda esse medicamenta suavia, & quo ad colorem; odorem, & saporem, ut fieri potest, grata, & iucunda, quod etiam supra innui. In prima Infirmi visitatione inquiret Medicus, quid doleat, ex qua causa, quot diebus, an alvus secedat, quo victu utatur; consideret ætatem, sexum, temperiem, consuetudinem, anni tempus, aeris constitutionem, loci ac regionis rationem, vires, & an aliquid divini insit in morbo examinet: In Fæminis sciscitetur, an mulier sit gravida, & quot mensibus utero gerat; an menses in virginibus, vel non gravidis, vel lochia in puerperis rite fluant. Quærendum insuper an, & quibus hætenus usus fuerit Infirmus remedijs, an parentes tali morbo laboraverint, & an sæpe, vel rarò morbo tentetur. Præter omnia observet Medicus Ægri loquellam, faciem, oculos, linguam, decumbendi modum, inspiciat urinam, & alias, si adsint, excretiones observandas. Officium autem Medici est, morbos sanabiles sanare, & insa-

insanabiles prædicere, ne, si fortè Ars a vi morbi
 victa fuerit, vel ignorasse, vel errasse videatur.
 Audiendus est *Vucinartus*, qui ægritudine inci-
 piente docuit, medicum debere iudicium suum sus-
 pendere, atq; Oraculi more ambigue de morbi exi-
 tu pronunciare; *satiùs enim* (sunt verba *Galenì, de*
dieb. decret.) *est tacere, quam temere pronun-*
ciando falli. Poësis commode inservit Medico, qua-
 tenus eum divertit, præcipue horis succisivis,
 eamq; non quidem, ut civem, sed peregrinam
 tractare licet, hæc enim erit pulchrum Medici or-
 namentum; sicuti eloquentia eruditione munita,
 erit quodammodo necessaria, tum in Cathedris ad
 Artis decorem ostentandum, cum ad Juvenes er-
 udiendos, Conclusiones publicè defendendas, ac
 Tyrones Laurea Doctorali donandos, nec non
 lectiones, tum publicas, tum privatas exornan-
 das. Anatomix, Botanicæ, Chymix, Phisicæ,
 Pharmaciæ, atque Chirurgiæ incumbat; nullus
 enim bonus est Medicus, nisi qui illis artibus im-
 butus sit. Vitet Medicinæ Professor avaritiam,
 superbiam, & arrogantiam, nec alios suos collegas,
 tanquam volitantes umbras ex alto despiciat, ac se
 solum (*ut verbis utar Vucinarthi*) cæterorum medi-
 corum exemplum, Artis Hippocraticæ canonem, &
 archetypum vana ostentatione arbitretur, sicque
 nimium sibi fidens etiam in gravibus periculis
 alios sibi adiungi, non modo non postulet, ve-
 rum etiam oblatos repudiet.

Ingratos etiam, qui iam olim e vitæ discrimine
 erepti, detestanda ingratitude, beneficentiam
 Medici contempserunt, nec præmiati sunt, cum
 denuo ad opem ferendam impudenter accersunt,
 quamvis medica ope non digni esse videantur, attamen

men omnino hos negligere nō oportet, ne avaritię ac crudelitatis accusetur Medicus, cuius suprema debet esse cura, ut nihil unquam committat, quod, vel christianę caritatis iura frangere, vel nobilem, & præclaram, ut ait præallegatus Auctor, facultatem nostram turpi pecunię exactiōe sedare possit; humanus enim, & misericors ex propria natura, & Medici munere, Medicus esse debet, ut de ipsius parente *Ausonius Gallus* cecinit.

*Obtuli opem cunctis poscentibus artis inemptę,
Officiumque meum cum pietate fuit.*

Medicus per Epistolas curare potest aliquos morbos cronicos, longos, & contumaces, non autem acutos, qui ingentes mutationes brevi tempore subeunt, & in eodem statu nunquam permanent, de quibus dicit *Hippocrates*, difficilem esse prænunciationem salutis, aut mortis: *Galenus* tamen cronicos morbos per epistolas se curasse ait, uti fecere *Manardus* noster, *Langius*, *Mercurialis*, *Io: Fortis*, *Redius*, *Malpighius*, & alij plures. Monitos volo Medicos in morbis gravibus, ac præsertim in illustribus viris, semper debere vocare alios Medicos, nec facere, ut quidam Professor octogenarius nimis in se; ac sua ætate confidens, qui ab ægris suis arcere studet Medicos Collegas, ne fortassis infitiam suam palam faciat, & nomen boni Practici arte acquisitum amittat; nam plus vident oculi, quam oculus, & iuxta, proverbium, *unum nihil, duos verò plurimum posse*; hinc *Homeri* illud quadrat.

Coniuncti pollent etiam vehementer inertes.
quod agnoscens *Aristoteles*, in medicina necessarium esse plures vocare Medicos, ait, & *Alexandrum Magnum* in quadam epistola sic alloquitur,

tur: ne uni fidas Medico, potest enim tibi detrimentum asserere, quare si quod pharmacum tibi accipere expediat, id facito consultatione multorum. Graviter iniuper peccaret Medicus, qui abortiva medicamenta utero gerentibus exhiberet, nam sæpe non solum fætum perdunt, sed matrem ipsam in exitii periculum ponunt. Medici prudentis est, consilia salutaria sanis hominibus dare, quibus scilicet imminencia mala preveniat, sicq; ab egritudine præserventur. Segnities autem in Medico increpatur ab *Erasmo*; occasio enim cum sit præceps, non tardandum, sed in medendo festinandum esse commendo, maxime quando urget necessitas. Observandi sunt in Medicis, ut ait *Tholosanus lib. 17. de repub. cap. 7.*, pudici mores, nam si luxuria sunt putidi, multa possunt ad corrumpendam pudicitiam Mulierum, aut sui, aut alterius gratia meditari, quod quàm malum sit quisq; sapiens cognoscere potest, hoc enim a Christianis moribus alienum est, & divina Lege damnatum. In plebeis verò curandis interrogare oportet, quam artem exerceant, ex diversarum enim artium exercitio morbos oriri docuit *Clariss. Ramazzinus*.

Advertat insuper Medicus non frequentibus medicinis uti, sæpe enim impediunt criticos motus, ut ait *Luc. Tozzi in com. Aph. 1.* unde *Galenus* inquit - Quædam peccata a Medicis committuntur, putantibus nisi quis ingressus ad Ægros, deinde succingens se, vel cataplasma imposuerit, vel perfuderit, adusserit, vel Clysterem indiderit, vel venam inciderit, vel cucurbitulas adiunxerit, vel confricuerit, vel nutriverit, aut huiusmodi aliquid factitaverit, nihil ab ipso gestum

„ flum eſſe artiſicioſum ; ii enim , quoties ad æ-
 „ grum accedunt toties peccant : an ii Medici
 „ ſint, an Carnifices cæteri iudicent .

Peccat etiam Medicus utendo pharmacis anti-
 quioribus, ac ob longum tempus rancidis, ætatis
 enim iniuria amittunt vires ſuas medicamina , ut
 innuit *Cl. Redi in ſuis Conſult.* Nihil æque, cen-
 ſente *Seneca , Ep. 2.* impedit Sanitatem , quam re-
 mediorum crebra mutatio ; adde , & Medicorum ;
 recte enim non minus quàm vere canit *Ovidius .*
Nunquam crede mihi a morbo curabitur eger ,
Si multis Medicis creditur una febris .

Eorum enim copiam ſemper fuiſſe damnolaſam, ait
Frider: Hoffman. in not. ad Poter.

In reconvaſcentibus reſpiciat ſemper Medicus,
 non ad appetitum, ſed ad vires, lentè enim reſce-
 re oportet . Medici autem tenentur gratis curare
 pauperes ægrotantes, ut ait *Tiraquellus de nob.*
cap. 29. In nonnullorum porro morborum cura ,
 melius erit a medicaminibus abſtinere , ne exaſ-
 perentur, & maiores fiant, velut irritati, ut evenit
 in cancris; ait enim Hippocrates: *cancræ curati fa-*
cilius pereunt , quam non curati , unde recte ,
Ovidius .

Curando fieri quædam maiora videmus

Vulnera , quæ melius non tetigiffe fuit .

Varietatem vocabulorum ſcire Medicum oportet,
 veteres enim horum ſunt prodigi , & qui non pa-
 titur prodigalitatem iſtorum inepte doctus eſt : ita
 ſentit *Casp. Hoffman. de med. ofc. lib. 2. cap. 91:*
 Sicuti etiam ſcire coſmetica ad illum pertinet, qua-
 tenus ea poſſunt humanam lædere naturam . Ego
 autem commendare non poſſum Medicos illos, qui
 licet habeant in pharmacopæis tot , ac tanta me-
 dica-

dicamenta, attamen a rebus sordidis remedia volunt deſſumere, ut a lotio humano, ſtercoribus caninis, pavonis, & aliis huiusmodi, quæ nauſeam movent: & propterea deridentur a *Clariff. D. Luca Scrochio in Miſcel. Curioſ. An. 1. dec. 2. pag. 192.* ideo Medicus a ſordidis medicinis, quantum poteſt abſtineat. In morbis difficiliſſimis debet Medicus aperire cadavera, ad eruendas morborum ſedes, ac rimandas affectionum difficiliſſimarum cauſas, & ita dare operam, ut ægrotantibus proſit, ſi queat, ſi verò nequeat, ſaltem ulteriorem prohibeat lapſum; Medicus enim ſolers, ait *Io. Bapt. Sitonius*, non tam artis medicæ augmento, & medicamentorum inventioni ſtudere debet, quam veritatis ſtudio flagrare, & methodum habere expeditam, qua vera a falſis diſcernat, iuxta *Galenum*. Dixi ſupra ægris a Medico gratificandum eſſe; nunc moneo non tantum hoc ratione remediorum, verum quoque ratione ciborum, & potuum, in iis quoque quæ vident, aut tangunt, ceteriſque, modò non multum noceant; nec hoc ad gratiam ſolum, ait *Manardus* noſter, & docet *Galenus*, ſed veluti eius utilitati conſulendo; quia quæ cum voluptate ſuſcipiuntur, ventriculus amplexari conſueſcit, & facilius concoquere, atque e contrario quæ diſplicent, refugere, ceu nauſeas, inflationes, & fluctuationes inferentia, indeque fieri magna ex parte, ut cibus, qui erat paulo deterior, non talis maneat, ſed interdum melior evadat: ex quo patet, bene agere illos Medicos, qui voluntati ægrorum obſervientes, in iis, quæ nocere non poſſunt, adulatores benevoli apparent: Medicus autem ad Senium deductus, & defectum interiorum ſenſuum iam habens, puta octogennarius

rius, medendi artem non debet exercere, ut sentit *Paul. Zachias qu: med. leg.*; ne scilicet, in artis nostræ dedecus, in ægrorum visitationibus obdormiat, obmutescat, non memoretur de symptomatibus antea passis, ac de medicamentis nuper præscriptis, & ridiculose loquendo adstantes moveat ad risum, & familiares ægrotantium provocet ad cachinos. Advertat porro Medicus, ne iniuriam afferat alicui, quarum maxima creditur, quæ famam deturpat, rapit honorem; multò namque maior existimationis, & famæ, quam rei, commodique, viro bono habenda est ratio, unde, *Flaccus sat. 2. cecinit.*

Fama malum gravius quam res trahit. hinc meritò imperialibus sancitum est legibus, eos eligi Medicos, qui præter artem apprime morum polleant probitate. Prætereà, cum multa, ac difficilia in Medicina inveniantur, prudens, & cordatus Medicus vires suas metiatur, ne plus oneris unquam suis imponat humeris, præsertim si plures eodem tempore ægrotantes invisere oporteat; ideoque *Clar. Gasp. a Reies* consulit, ut Medicus solùm octo ægros curandos suscipiat, vel ad summum duodecim; aliter autem si faciat, dubium non est, quod in multis deficiet; & multa illum præteribunt, quæ advertere, & prævidere oportebat; rectè siquidem dictum est; *in multitudine operum confunditur Artifex*; quia verò ægri non omnes convalescunt, non ideò nullam Medicinam esse, ait *Cicero 2. de Nat. Deor.*

Medici, ac Iudices similitudinem habere non tantum professione ipsa, sed etiam munere docuit *Sebast. Foxius sup. Platon. de republ.* Medicus enim morbos corporis, Iudex animi vitia curat; ille

ille morborum peritus, & intelgens constitutionis cuiusque esse debet, hic ingeniorum, & morum civilium doctus; uterque probus, & diligens; uterque senex, aut saltem experimento peritus: Bene igitur in *Symp.* aiebat *Plato*, Medicinam esse scientiam amorum corporis ad repletionem, & evacuationem, & qui cognoscit in his honestum, & turpem amorem, hic pro maximo Medico habendus est, & qui transmutare potest, ut pro altero amore alterum adipiscatur, & ut quibus amor non inest, cum tamen inesse oporteat, illic inducatur, & ut quibus inest, eximatur, is profectò bonus fuerit opifex; oportet enim, quæ inimicissima sunt in corpore, quantum fieri potest, amica facere, & ut se mutuò ament efficere; inimicissima sunt quæ sunt maximè contraria, frigidum calido, amarum dulci, siccum humido, &c. unde Medici boni dant operam, ut ægrotantibus profint, si queant, si nequeant, ulteriorem prohibere lapsum debent, ut ægrotantibus profint; Animadvertat insuper Medicus in curandis morbis debere proximum suum tanquam se ipsum tractare, ac familiam suam; ne fortasse quod ipse non vult, alteri faciat, nec prodigus remediorum in aliis apareat, cum in se sit avarus, *Ovvenius* enim de illo cecinit.

Pharmaca dat Medicus, non solet accipere:

Medicus tria non ignorare tenetur, præterita, idest, unde infirmitas originem traxerit; præsentia, in quo scilicet gradu, & statu ægritudo existat & futura, idest utrum curabilis, ac mortalis sit, quinimo; ait *Brancacinus de iur. Doctor. lib. 4. cap. 11.* peccare Medicum, qui scienter applicat infirmo dubia medicamenta, cum

eum melius sit Ægrotum relinquere in manu sui Creatoris, & beneficio naturæ, quam periculo exponere, eundem supponendo dubitabili medicinæ. Ulterius boni temperamenti, & sanæ corporis habitudinis esse debet Medicus, boni coloris, elegantis figuræ, nec deformis, ut pueros terreat; turpe enim semper iudicavi videre Medicinæ Professore gibbum, claudum, surdum, monoculum, ore distorto, oculis perversis, gena turpiter attracta, strabismo, vel lue gallica affectum, vel scabiosum, ne forte possit de illo dici *Medice cura te ipsum*: Nullus sit ergo Medicus, vel colore rufus, vel fistulosus, ac densa ignaviæ caligine obductus, nec oris fætores nauseosus, nec tremore correptus, & veluti paralyticus, qui nec arteriæ motum colligere, neque formulam remedij præscribere nervis impotentibus valeat, nec sit ventricosus, ac tumidus, *cui satient vasci spatiosa volumina ventris*, nec physiognomiam iudaicam præferat; isti enim, ne quidem minima Æsculapij vestigia incerto pede signantes, in sacram Apollinis ædem, ac Hygiæ Fanum non vocati, sed fraudolenter intrusi dicuntur: præterquam quod vulgus pluris existimat eos, qui bene dispositum corpus habent, sicque, ut opinionem captet, Medicus vestitu decore utatur. Memor semper esto illius, quod scripsit olim *D. Thomas in 2. de anim*; nempe, Medicum nihil aliud facere, quam auxiliari naturæ ad expellendum morbum, quo auxilio non egeret Natura, si esset fortis; quis ideo, ait *Ang. Politianus lib. 2. Epist.* non videt, plus esse a Medico, quam a morbo periculi, siquidem & morbus alius pro alio curetur, & alia pro aliis remedia afferantur. Et quia
in om-

in omnibus penè rebus præsens seculum abusum facit, sic evenit in magno illo medicinæ præctice auxilio a Venæ sectione petito, cum enim Medicinæ Magistri phlebotomiam introduxissent, veluti remedium extremum in magnis morbis solummodò concedendum, paulatim talis accessit nonnullorum temeritas, & audacia, ut in qualibet vel minima vertigine, dolore, tristitia, febre, depuratoria, *quæ alternis fit rediviva diebus*, sanguinis missio celebratur magno cum naturæ detrimento; sicque, quod olim summa præmeditatione faciendum erat a veteribus Medicinæ Magistris, nunc inconsultò, & veluti per iocum a nostris Medicis exercetur, & Sanguis, qui est Naturæ thesaurus, velut aqua fluminis disperditur; de quo solemnī abusu fuse scripsi *in meis Consultationibus num. 124.*

Animi, & Corporis colligatio, & connexio summopere animadvertenda, cum animi motus, & affectus, quoad fieri potest, à medico pernosceri erunt, unde legendus liber *Pauli du Bè*, cui titulus *Medicina animi, & corporis*. Abstineat a Vesicatoriis, & ab omnibus superstitionibus, ac veneficiis, in curatione enim morborum a Dæmonum arte longè stare oportet; ad corpora quippe curanda, medicamenta, non verba, non figilla, non veneficia adhibenda sunt, & esset plusquam palmare crimen, ait *P. Maraviglia leg. var. doctrin.*, rebus ad curandum superstitionis uti, eaq; adhibere, quorum usus ratione naturali minimè probatur, licet, quod rarissimus est, faustus ea probaret eventus.

Moderandam censeo audaciam nonnullorum nostrorum Medicorum, qui in tenellæ ætatis, & penè

nè lactantibus puellis a venæ sectione non abstin-
nent, quod sanè ægerimè admittit earum tenuis
natura, leve alimentum, ac virium languor, ne-
que ullis a Sapientibus Scriptoribus (sunt verba
Riverii) patrocínio defendi potest nova hæc mit-
tendi sanguinis licentia; Venę sectio enim, ut e-
tiam supra dixi, est extremum, & magnum re-
medium, &, suadente *Celso*, sæpe vel occidit, vel
liberat. Præceptum est *Clar. nostri Ant. Mus.*
Brasavoli, non posse convenienti dieta uti in præ-
gnantibus, nec illis exhibere pharmaca potentia,
ac fortia, ne abortus accidat. Advertendum por-
rò nostram Civitatem fortasse non pollere bonis,
ac sapientibus Medicis, & ratio huius dat *Ari-*
stophanes canendo

Quis hac in urbe sit Medicus? ubi Medicis
Neque præmium est nullum, neque magni ars
ipsa fit.

unde *Juvenalis in Satyr.*

. . . *Quis enim virtutem amplectitur ipsam*
Premia si tollas

Dolendum enim profectò, in nostra Urbe do-
ctos Viros neque laudem, neque lucrum acqui-
rere, de quà re alibi forsan diffusè loquar; cuius rei
forsitan in causa est ipsorum Medicorum dissensio
in omnibus Medicinæ operationibus, non tantum
in tot morborum diversitate, ac totius Medicinæ
partibus, in quibus ratio, & iudicium exercetur,
sed etiam, quod mirum est, in ipsis anatomicis,
in quibus oculi, & manus operantur. Cum autem
Morbi verbera Dæmonum sint, teste *Barthio in*
advers. lib. 42. veniunt enim ob peccata; unde in
Ecclesiastico c. 38. v. 15. habemus: *Qui delinquit*
in conspectu eius, qui fecit eum, incidet in manus
Medi-

Medici : sic iunguntur in Apostolorum potestate à Deo tradita morborum curationes, & fugæ malorum Spirituum; sicque alibi morbi Satanæ vincula appellantur: idcirco semper pius, & in Dei gratia debet esse Medicus, & nunquam laqueis peccati irretitus, ut permittente Deo valeat feliciter egros curare. Deum denique timeat Medicinæ Professor, Regalis quippè Propheta nos monuit, initium veræ Sapientiæ timorem Domini existere. Et hæc sunt, *Excellentissime Domine*, quæ ruditer, inconditè, & currenti calamo meditari, & scribere tempus permisit. Habes hîc, si non quod optabas, saltem quod potuit sexagenarius tuus Præceptor *Lanzonus*, & quod ab homine, qui te valde diligit, ut desideratur, recipies. Vale.

Ferrariæ Decim. Cal. Maij 1727.